

## Kome je u BiH Nepodoban "Roman o Srebrenici"?

Autor Esad KRČI

Nedjelja, 07 Listopad 2007 05:32 - Ažurirano Petak, 19 Listopad 2007 15:34

---



FENA je emitirala vijest iz Kuala Lumpura, glavnoga grada Malezije, da je tamošnje Ministarstvo obrazovanja uvrstilo knjigu bosanskohercegovačkog književnika Isnana Taljića «Roman o Srebrenici» u školsku lektiru u toj zemlji. O tome je posebnim dopisom obaviještena Ambasada Bosne i Hercegovine, uz predočenu dokumentaciju o složenoj proceduri kategoriranja i ispunjavanja strogih književno-umjetničkih i pedagoško-estetskih kriterija. Malezijsko ministarstvo obrazovanja također je školama poslalo odgovarajući broj primjeraka romana i preporučilo im dodatne nabavke za svoje biblioteke.

Taljić je inače jedini književnik iz Bosne i šireg regiona zastupljen u školskoj lektiri te daleke i bliske nam zemlje, pa je, svakako, riječ o priznanju ne samo njemu nego i bh. i bošnjačkoj književnosti.

Ovaj roman Isnana Taljića objavljen je u Maleziji krajem 2005. godine na engleskom jeziku pod naslovom «The Story of Srebrenica» te je ove godine u Kairu štampano i drugo izdanje na engleskom pod naslovom «The Story of Srebrenica – A Novel about the war in Bosnia».

